

Staðfesting ríkisstjóra á skipulagsskrá fyrir „Sjúkrasjóð Fellsstrandarhrepps“, 190
útgefin á venjulegan hátt að mandatum af dóms- og kirkjumálaráðherra 19. nóv. 19. nóv. 1942

Skipulagsskráin er þannig:

SKIPULAGSSKRÁ

fyrir Sjúkrasjóð Fellsstrandarhrepps.

1. gr.

Sjóður þessi, sem nefnist Sjúkrasjóður Fellsstrandarhrepps, er stofnaður 1. okt. 1919 með 220 kr. — tvö hundruð og tuttugu króna — gjöf til minningar um hjónin Jónas Jónsson og Kristbjörgu Einarsdóttur frá Skógum. Skipulagsskrá fyrir sjóð þennan hlaut konunglega staðfestingu 25. maí 1920 og er eign hans nú orðin kr. 694.67 — sex hundruð níutíu og fjórar krónur $\frac{67}{100}$ — auk 2% vaxta frá 9. okt. 1941. Vegna breytinga verðgildis islenzkra peninga þykir gefendum og stjórn sjóðsins nauðsyn á, að semja þessa nýju skipulagsskrá fyrir hann og leita staðfestingar á henni.

2. gr.

Tekjum sjóðsins, vöxtum, gjöfum og tillögum skal varið þannig: Vextir leggist allir við höfuðstólinn, þangað til sjóðurinn er orðinn 5000 — fimm þúsund — krónur. Þegar sjóðurinn hefur náð þeirri upphæð, skal öllum tekjum hans og $\frac{1}{4}$ — einum fjórða hluta — vaxtanna varið til að styrkja efnalítið fólk í veikindum, eftir þeim reglum, sem settar eru í 3. gr.

Ef eigi skiptist upp við hina árlegu styrkveitingu, skal veita þeim mun meiri styrk næsta ár. Ef eigi er þá heldur sótt um styrk, skal hann leggjast við höfuðstólinn.

3. gr.

Styrkur úr sjóðnum skal árlega veitast sjúklingum í Fellsstrandarhreppi í Dalasýslu. Skal farið við styrkveitinguna eftir skýrslu hlutaðeigenda, sem stjórn sjóðsins tekur gilda. Má þar tilfæra kostnað við læknishjálp, sjúkrahússvist eða sérstaka hjúkrun í heimahúsum og vinnutjón, ef sjúkdómurinn varir lengi og sjúklingurinn er efnalitill eða hefur fyrir ómögum að sjá.

Forgangsrétt að styrk úr sjóðnum getur fólk tryggt sér með því að greiða til hans fast árstíllag, er ekki sé minna en 5 krónur fyrir þá, sem eldri eru en 16 ára, en 2 krónur fyrir þá, sem yngri eru, þó skal tillagið hafa verið greitt í 2 ár áður en styrks er beiðst.

Afkomendur áðurnefndra hjóna skulu hafa sama rétt til styrks úr sjóðnum sem innanhreppsmenn, þótt þeir eigi heima annars staðar, ef þeir greiða árstíllag.

4. gr.

Sjórn sjóðsins skulu skipa 3 menn. Skal sóknarpresturinn sjálfkjörinn, en 2 skulu kosnir árlega af safnaðarmönnum. Kjörgengi og kosningarrétt hafa allir, sem kosningarrétt eiga í safnaðarmálum í Fellsstrandarhreppi. Stjórnarkosning skal fram fara fyrri hluta sumars á kirkjufundi og skal hún boðuð fyrir fram um allan hreppinn. Sóknarpresturinn er sjálfkjörinn formaður stjórnarnefndar og skal hann hafa á hendi bókfærslu alla og reikningsskil.

190

5. gr.

19. nóv.

Stjórnin skal hafa gerðabók, er í skulu færðir reikningar sjóðsins og allt annað, sem hann snertir.

Minningargjafir, sem sjóðnum kunna að hlotnast, skulu auk þess skráðar í sérstaka bók, sem geymd sé í kirkjunni á Staðarfélli.

Endurskoðun á reikningum sjóðsins skal einhver ættingi framan nefndra hjóna hafa á hendi og sé hann kosinn árlega.

6. gr.

Sjóðurinn skal ávaxtast í Söfnunarsjóði Íslands eða annars staðar, þar sem stjórn hans telur fulltryggilegt. Reikningsár hans er almanaksárið. Skulu reikningar hans endurskoðaðir leggjast fyrir safnaðarmenn til samþykktar á kirkju-fundi um leið og stjórnarkosning fer fram.

7. gr.

Þegar þessi skipulagsskrá hlýtur staðfestingu, fellur hin eldri, frá 25. maí 1920, úr gildi.

Skógum, 1. október 1942.

Jóhann Jónasson.

Guðni Jónasson.

191

24. nóv.

SAMÞYKKT

um lokunartíma sölubúða á Sauðárkróki.

1. gr.

Sölubúðum á Sauðárkróki skal lokað eftir því sem ákveðið er í 2., 3. og 4. gr. samþykktar þessarar.

2. gr.

Alla virka daga ársins skal sölubúðum lokað eigi síðar en kl. 6 síðdegis og þær eigi opnaðar aftur fyrr en kl. 9 árdegis næsta virkan dag. Þó skulu vera þær undan-tekningar frá þessu, er nú skal greina:

Aðfangadag jóla og gamlárskvöld skal sölubúðum lokað eigi síðar en kl. 4 síðdegis, og laugardaga fyrir páska og hvítasunnun eigi síðar en kl. 5 síðdegis. Fjórða og síðasta virkan dag fyrir aðfangadag jóla er heimilt að hafa sölubúðir opnar til kl. 9 síðdegis.

Á tímabilinu frá 15. maí til 14. september skal á laugardögum loka sölubúðum eigi síðar en kl. 1 e. h. og á föstudögum eigi síðar en kl. 7 e. h.

Ef skortur er á eldsneyti eða ljósmeti í bænum, eða útlit fyrir að skortur geti orðið á því, er hreppsnefnd heimilt að ákveða, að sölubúðum skuli lengri eða skemmri tíma lokað fyrr en kl. 6 síðdegis og þær opnaðar síðar en kl. 9 árdegis á virkum dögum.

3. gr.

Almenna helgidaga, sumardaginn fyrsta og fyrsta mánudag í ágústmánuði, mega engar sölubúðir vera opnar. Hinn 1. maí, 17. júní og 1. desember skulu allar sölubúðir lokaðar kl. 12 á hádegi, ef þessa daga ber upp á virkan dag.

4. gr.

Frá ákvæðum um lokunartíma sölubúða í samþykkt þessari skal sú ein undanþága vera, að brauðsölubúðum og mjólkursölubúðum má halda opnum á almennum helgidögum, sumardaginn fyrsta, fyrsta mánudag í ágústmánuði, 1. maí, 17.